

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Fünff Bücher, Vonn Kriegs Regiment vnd Ordnung, Wie
sich ein jeder Kriegszmann inn seinem Amt vnnd
Beuelch halten soll, was zu anfang eines Kriegs
zuerwegen vnnd zubetrachten sey, Auch vonn ...**

Fronsberger, Leonhardt

[Franckfurt am Main], 1558

VD16 F 3129

Nota.

[urn:nbn:de:bsz:31-41862](#)

Das fünft Buch.

cij

Also mögen sie auch gemacht/inn eyl für oder vnder die geschossen lücken
gesetz vnd aufgefüllt werden.

In allen Feldzügen soll ein Kriegsman sein/besonder wa man in fremde/vn betannete Land zeucht/er sol sein guten läderin Schwimzeug haben/
oder zum wenigsten drey oder vier guter blatern/also/wa man an ein wasser käme/bließ er sein Schwimzeug oder die Blatern auff/vnd käme also on
aller Menschen hülff leichtlich vnd sicher vber alle wasser/Ein sollichen
Schwimzeug oder Platern/könde auch ein jeder bey jme on alle hindernuß
fahren oder tragen/also zurichten in einem ermel/es were auch nit so obel ans
gesehen/wann man schon solche rüstung einem heerzug nachfürte.

Item inn jedem Feldzug soll verordnet werden/zu jedem Reiswagen ein
Sperrknecht/zwen haacken/vier Schauflen/vier Bickel/drey harwen/vnd
zwo äyte/das dann offt zu grossem nur kompt,Nämlich so man ein Was-
genburg macht/hat man die haacken/das man rinden inn vnd hinder den
Wägen mit den haacken legt.

Item die Schauflen/harwen/äyte zum schanzen/graben vnd vergras-
ben/vnd aller anderer zutragender nochturft.

Nota.

Man soll aller ding kein Kriegsvolk stilligen vnd feyren lassen/son-
der one vnderlaßnen arbeyt aufflegen/vnd so man nit mehr mag/che von
einem Lager zum andern füren dann es gar ein grosser nachtheil vnd scha-
den/so man ein Kriegsvolk zuuirluwen vnd verligen laßt.

Nota.

Dem Kriegsherrn ist auch zubedencken/das offt ein Herr/der ein solche
grosswichtige sach anfacht/sich bedüncken lasset/er hab alle ding wol be-
rathlagt vnd versehen/mög jme nit fälen/vn geht doch darüber zu grund/
dann es sein ihr viel gewesen/die schlechte leut/ auch gemeynen nur inn ho-
hen Stand gebracht/dardurch sie schaden empfangen/Es seind auch ihr
vil gewesen/die jrer freund dienst vnd freundschaft wol hetten mögen ges-
messen/die sie doch liebet für knechte dann freund achten wollen/darüber sie
jr gepürliche straff empfangen/ihr vil haben sich auch ihrs erlangten stands
vnd leben nit benügen lassen/wiewol sie in grossem lust gesetz/Dieweil sie
aber über menigklich herrischen wollen/haben sie auch das verloren das sie
vor gehabt haben/ auch seind ihr vil gewesen/nach dem sie groß reichthumb
wie sie es begert/vberkommen/haben sie vmb derselbigen willen verderben
müssen.

Item inn jeder Besatzung sollen ein anzal volks verordnet werden/die
sorg für das fewr haben/nit allein für das fewrwerffen vnd schiessen/sonder
auch